

Inatsisartut suleriaasianni § 37 naapertorlugu matumuuna Naalakkersuisunut imaattunik apeqqu-teqaatinik saqqummiussivunga:

Apeqqut:

- 1. Sarfamut imermullu assigiimmik akeqartitsinerup atuutilernissaanik naalakkersuisut pilersaaruteqarpat?**
- 2. Pilersaaruteqartoqarsimappat, qanoq periuseqartoqassava?**
 - a) piffissalersuineq qanoq pilersaarutigineqarpa?**
 - b) Pilersaaruteqartoqanngippat, sumiiffinni atukkat nikingasut qanoq iliuseqarfiginiarneqarpat?**
- 3. Inoqarfinni illoqarfinni ikiliartorfiusuni assigiinnerusumik atugaqarnissamik siunertaqarluni pilersaarusiortoqarpa?**
 - a) Aap, qanoq periuseqarniartoqarpa?**
 - b) Naagga, sooq iliuseqartoqarniannigila?**

(Inatsisartuni ilaasorta q Suka K.Frederiksen, Siumut)

Tungavilersuut:

Sarfamut imermut kiassarermullu assigiimmik akeqartitsineq qimannerata kingorna takussutissaqarpoq taarsiullugu assigiinnigissitaartumik akeqartitsinerup nassatarigaa sumiiffinni mikinerusuni annertuumik nammatassinneqartut, allaat inuussutissarsiornikkut inerisaanissaq ungasillilluinnarluni inuuniarnerlu oqimaalligaluttuinnarluni.

Siumumiit kissaatigaarput assigiimmik akeqartitsineq eqquteqinneqarnissaanut alloriassasugut, taamaasilluni nammaqatigiinnermik ingerlatsineq pilerseqqinneqassamat. Sumiiffiit mikinerusut qimagarnerisa kingunerisaanik inuuniarnikkut oqinnerusut ornigarneqartillugit killormut sumiiffiit inoqarpallaarneri

Maluginiagassaavoq maannamut nukissiorfiit pilersinneqartartut tassaammata nunatta karsianiit aningaasalersorneqarlutik ingerlatsiviusartut, taamaattumik nammaqatigiinneq tassaasariaqanngilaq sumiiffiit inoqarfiunerusunut kisimi atuuttussa q, kisiannili akileraartartunut tamanut atuuttussa q.